

重刊
慕
閩齋唱和閒吟詩草

自序

余自京曹返奉司樅梨邑。將及五載。會計之餘。輒整理書生舊業。興之所至。往往形諸吟咏。不事雕琢。不尙苦吟。悉任天籟自然。古人所謂吟成一個字。撚斷數莖鬚者。不願學也。又不諳詩之格律。詩之宗派。所謂杜苦。陶甘。郊寒。島瘦。元淺。白俗者。更不知也。惟堯夫之擊壤集安樂窩諸吟。竊願效之。所吟如半記不記夢覺後。似愁無愁情倦時。擁衾側臥未欲起。簾外落花撩亂飛者。活潑潑地。魚躍鳶飛。是誠吾之師也。但學未深遂。又拙於文詞。無從則倣。其吟成之者。不過自寫情景。聊以舒懷。往往由郵筒寄於友人。藉此以爲談柄。以通款曲。乃拋磚適以引玉。頗感觸友人之詩興。間有依元韻和之者。亦有友人自咏諸作。多有郵寄之者。積數年之久。都爲二三百首之多。美不勝收。珠璣盈室。直以下里巴人之俚詞。引起白雪陽春之絕調。胥皆心血所嘔。賈朗仙之詩。自謂心血所在。尙於歲終時祭以酒漿而酬報之。況諸公所吟咏。悉出天籟之自然。各見性情。各抒胸臆。實有足多者。愛不忍棄。深恐久而散佚。殊爲可惜。用以彙成



卷帙付印。作爲紀念品。置於案頭。偶一讀之。宛如諸公晤語。快何如之。此則區區之意也

歲在丁卯小陽月新民楊書升芷青氏序於本溪湖縣公署

卷一唱和諸作

赴梨樹稅局差次有感

楊書升 原作

落拓京曹二十年。空懷舜日與堯天。無端徵徼來梨樹。也是今生未了緣。

齊震巖

名耀琳
伊通人

和元韻

四首

回頭壬癸兩同年。窮達原知盡在天。一枕黃粱都是夢。笑將鴻雪話因緣。

際會風雲慨壯年。也曾有夢到鈞天。管城辜負封侯相。賸有餘生翰墨緣。

某山某水記當年。游釣今疑別有天。名利驅人南復北。何時扶杖話前緣。

梨樹去伊
通縣五十

六里、通籍後四十餘
年、未得往一次、

羨君磊落似英年。半世功名肯信天。歷劫滄桑棋一局。郎官委吏只隨緣。

讀原作有
江州司馬

之盛、故
云然、

續和元韻

丁卯展誦前和作不禁見獵心喜又率和之

元且元宵丁卯年。良風起地月中天。太平有象人聲裏。爭結香花歡喜緣。

一夢華胥不記年。忽驚洪水蕩堯天。江河空擊中流楫。誰爲蒼生挽劫緣。

平生神契久忘年。雲樹蒼茫各一天。千里馳書尋舊句。鏡花水月幻中緣。升函索原作詩、故云然

桃花流水自年年。一抹梨雲是洞天。只在此中最深處。欲尋去路却無緣。久熟思起耳。不遇時

升志

王心齋名子洞
榆樹人和元韻

紅塵蹤迹走年年。富貴無常總在天。兒女債多心已碎。今生正是了前緣。

趙希文名體實
吳縣人和元韻

歷劫塵寰四十年。平生窮達總由天。回思一枕黃粱夢。尙有多多未了緣。

馬硯溪名志超
藍平人和元韻

漫遊宦海度流年。出處隨時適性天。自是書生眞色相。一琴一鶴結深緣。

豈必丹砂可永年。斯人自養性中天。詩書以外無別癖。到處歡聯翰墨緣。

春日偶讀秣陵集有感

前人原作

塞外風沙悶煞人。曉窗無賴此閒身。倚床臥讀金陵集。賦得江南似寫真。

鎮日風沙爭勝強。無端牽惹舊詩腸。六朝金粉今何在。讀罷殘編祇自傷。

齊震巖

見前

和元韻

秦淮畫舫溯伊人。花雨高台說現身。記否江南舊遊處。春婆一夢漫疑真。

新亭回首十年強。舉目河山欲斷腸。風景不殊城郭在。故宮禾黍客心傷。

周孝魯

名仲仲黃陵人

和元韻

去歲吳山立馬人。今年滄海釣鰲身。東南半壁依然在。苦笑兵家太認真。

逐鹿中原別有人。貪人忘却野人身。夢中忽向蕉中得。祇恐醒時未必真。

金陵自古鬪豪強。憑弔興亡欲斷腸。江上至今餘戰血。龍蟠虎踞總堪傷。

常恬襄

名蔭廷梨樹人

和元韻

西湖潋滟采蓮人。十五年華碧玉身。一曲菱歌清入耳。羨他爛熳是天眞。

洛陽女兒麗佳人。豈等徐娘半老身。寶扇香車迎去後。九華帳裏看眞眞。

漫尋秋水訪伊人。冷鷺閒鷗伴此身。饒彼江南金粉地。也應無處覓眞眞。

文章道德貫天人。寡欲終能善養身。莫使虛榮縈意念。聖賢自有性中真。
敢云聽訟吾猶人。肺石冰清快活身。獨坐空庭無個事。閒看花落浴天真。
嘯傲林泉世外人。閒雲流水護吾身。水雲看到忘機處。意境空明理境真。
猿鶴相親不避人。往還且喜伴斯身。猿能解意鶴能舞。一樣忘機見性真。
南方爭似北方強。浩氣猶充錦士腸。張大民權籌國是。英雄造世復何傷。
居官要政在鋤強。衆口成碑說烈腸。江漢有民同被化。總因西伯視如傷。
何日中華服列強。斯民盼斷九迴腸。國家想有流年運。八字星辰犯尅傷。
當年呂令項何強。獨具忠肝俠義腸。慨彼大知未大受。撫今追昔使人傷。
披甲張蜚勢囁強。盡知公子號無腸。橫行莫道人難制。須備漁翁鼓櫂傷。
騷壇飛將漫爭強。麗句清詞總別腸。果得老僧敲月下。郊寒島瘦也無傷。

歐桐岡

名樹人和元韻

羨君抱負不猶人。經史羅胸德潤身。權寄下僚聊見志。半官半隱樂天真。
兩作江南聽鼓人。也曾膺得宰官身。寶山一枕黃粱後。回首當年夢豈真。

金陵王氣屬何人。多少權奸欲及身。畢竟強梁能幾日。虛名雖盜却非眞。

張葆華

名葆華
梨樹人

和元韻

依然作嫁爲他人。流水年華慨此身。隨遇而安心自泰。天生面目本來眞。
孰爲劣敗孰優強。獨抱忠肝俠義腸。破碎山河悲故國。一番回首一神傷。

弓喜賓

名悅賢
梨樹人

和元韻

秦淮畫舫鬧遊人。燈火樓台月滿身。重讀江南遺記在。板橋煙水舊傳眞。
龍蟠虎踞幾多人。再到新亭淚滿身。風景不殊餘蹟在。稜陵王氣竟誰眞。

馬硯溪

見後

和元韻

民胞物與是仁人。小試牛刀百里身。一領青衫存古道。書生面目本來眞。
六賊屏除羨上人。名利端的誤斯身。廿年一醒繁華夢。欲訪桃源問道眞。
韻關尖叉弱敵強。安排筆硯搜枯腸。吟詩也算偷閒事。壓綫年年倍感傷。
不向騷壇較勝強。吟詩聊爾寫愁腸。廿年回首成春夢。書劍飄零劇可傷。

晨起有感

前人原作

侵晨早起涉園田。籬豆花開帶露鮮。沁入心脾清爽氣。游閒世界此中天。

天當溽暑反清涼。爲領詩書趣味長。靜定一心無事擾。此身恍若在羲皇。

周孝魯

前見

和元韻

老夫耕種自家田。意蕊心花花色鮮。口說與人同世界。胸懷別有一重天。

王心齋

前見

和元韻

留住春光在野田。好花明目幾枝鮮。自從識得東風面。頗覺桃源入洞天。

心能靜者自生涼。那怕困人天氣長。堪笑懸旌無定輩。事多失錯復張皇。

歐桐岡

前見

和元韻

炎天酷暑反心涼。時事滄桑感慨長。閒道連衡通六國。編氓何日免倉皇。

馬硯溪

前見

和元韻

靈犀一點印心田。鮑謝追蹤詩思鮮。讀罷陽春爲擊節。狂歌把酒欲吞天。

輕搖蒲扇北窗涼。有味詩書引興長。看到新民四賢傳。淋漓大筆自堂皇。

讀秣陵集有感

前人 原作

金粉江南好。風光繪畫工。興亡千古事。一集秣陵中。

塞北風沙苦。愁雲慘淡中。何如金粉地。佳麗總無窮。

齊震巖

前見和元韻

江山渾入畫。詩境寫難工。願藉凌雲筆。傳神阿堵中。

鶯花三月裏。煙雨九秋中。得句奚囊付。詩人興不窮。

馬硯溪

前見和元韻

舞劍雄心在。學書恨未工。夜來對明月。詩思有無中。

執掌風塵裏。頻年感慨中。何如歸去好。樽酒樂無窮。

署內種有花草菜蔬偶成

前人原作

廨舍三弓地。天晴隴畝平。行行苞米茁。簇簇豆苗生。把卷迎風立。携鋤帶

月耕。一官爲小隱。坐擁此書城。

齊震巖

前見和元韻

鐵路聯三省。華街展四平。一官今委吏。五柳古先生。花草隨天養。瓜壺趁雨耕

。桃源誇世外。不復憶京城。

種菜英雄老。觀書意氣平。詩情林處士。絃誦魯諸生。師孔誰尋樂。俯陳盡輟耕。
。干戈滿天地。薄宦慰梨城。

一局官雖小。三年政尙平。幾畦青菜足。半院綠莎生。佳士皆心許。奇書儘目耕。
。何時接孟酒。剪燭話邊城。

孟時軒

名憲廷
梨樹人

和元韻

罍饌哉翁也。前程步步平。金衣金屋貯。玉樹玉階生。學海昔曾渡。書田老更耕。
。門庭桃李盛。陰蓋洛陽城。

退步爲藏拙。心閒氣自平。詩書賓客話。吠畝子孫耕。靖節爲全節。莊生善養生。
。耆英何日會。遙望洛陽城。

歐桐岡

見前和元韻

不作尊榮想。官卑氣亦平。詩書終日事。兒女小門生。滿眼花含笑。無田祿代耕。
。一心何所繫。遙望聖人城。

學到功深候。雍容意氣平。一官聊自養。萬卷讀今生。蔬菜隨時種。書田課子耕。
。尊榮身外事。道德可爲城。

周孝魯

前見和元韻

人世徒紛擾。吾心自太平。愛花如未老。種子尙能生。

公五十以後連生五男二女

兒女庭前弄

。田疇雨後耕。公園在公署。何用戀都城。

弓喜賓

前見和元韻

種豆非楊惲。鋤瓜豈向平。蓴鱸知雅意。菰葑樂餘生。北牖空高臥。南陽自隱耕。
。朝來延秀爽。挂笏看山城。

一官等匏繫。三徑訝苔平。官隱真高隱。頤生豈治生。灌園同避世。抱甕樂躬耕。
。手版常虛擲。經年不到城。

馬硯溪

前見和元韻

十載寒窗讀。爲文喜不平。虛心尊長者。傾蓋遇先生。談道解微理。服官寓隱耕。
。雅人多雅致。詩價重連城。

新秋初夜

前人 原作

雨後新秋夜。天高露下清。一彎弓月暗。幾點箭星明。有影樓台靜。無聲河漢橫。草蟲如助興。唧唧寫幽情。

歐桐岡

見前 和元韻

新秋涼雨後。爽氣夜來清。水響風偏急。天高月倍明。奎光文斗射。河岸戰雲橫。剪燭窗前望。遙深念古情。

聲自西南至。秋來夜氣清。天高風漸爽。雨後月偏明。樹木前川影。樓船古渡橫。長河牛女會。應笑我多情。

戲題樊慶餘納小星

前人 原作

娉娉嬋嬋美婢娟。豆蔻年華色色鮮。紅翠依偎饒豔福。洞房顛倒杜樊川。漫謂年華五七年。也同樊素結良緣。小蠻未許衾裯抱。櫻口先餐白藥天。

常括囊

見前 和元韻

美人名士兩娟娟。連理花開朵朵鮮。豔福自憐無我分。風流端合讓樊川。

莫將風燭惜殘年。興致勃然總有緣。不是生平多豔福。那來月老補情天。
楚楚風神說麗娟。桃腮紅粉百花鮮。春宵珍重休輕擲。月滿中天水滿川。
嬰鑠風流似少年。人間佔盡美姻緣。不知紅袖添香夜。夢入梨花幾洞天。

王心齋

前見和元韻

豆蔻年華正麗娟。櫻桃口許早嘗鮮。春心莫共花爭發。滄海曾經小百川。
豈是青春喜老年。紅絲繫足亦前緣。可知少艾人人慕。好色原來是性天。
謫來天上小嬋娟。面似天桃雨後鮮。寄語灌夫休鹵莽。莫教花放水流川。
素口蠻腰正妙年。阿嬌金屋締良緣。老奴得此憐香伴。豔福真如白樂天。

卷二見寄諸作

周孝魯

見前寄

鐵獅

不識朱門昔若何。鐵獅荒廢似銅駝。祇今窮巷頭顱破。已比清宮歲月多。金翅食

龍悲帝子。

明懷太子爲李國囚於田宅

蛾眉馱馬失陳娥。

田宏遇獻陳圖興亡閱盡滄桑變。

忍聽梅

村感舊歌

吳梅村有鐵獅歌

登黃鶴樓

江鎖龜蛇似舊時。萬家香火護靈祠。遍尋壁上新詩讀。更借樓中玉笛吹。難得白

雲乘我去。好留黃鶴讓人騎。岳陽吟罷武昌睡。

樓中有呂仙睡像

不作神仙欲作誰。

秋夜

秋燈華髮兩蕭然。好學孜孜似少年。課子讀書深夜裏。伴妻煮酒小爐前。遲眠貪步初圓月。破曉閒吟欲曙天。雞未長鳴鐘未動。恐驚清夢落人間。

人生放言

捉住人生倒酒瓶。啣盃長醉不思醒。空中音樂風雷雨。天上文章日月星。造化癩猴搬物質。貧兒赤裸出心靈。本來世界無差別。成敗紛紛當戲聽。

端午

彩繡香囊五色綸。釵頭符勝闢奇珍。雄黃酒滿榴花醉。飛白書來箴扇新。送節親朋投角黍。出遊兒女換衣巾。奪標舊事傳江漢。我亦乘龍競渡人。

難得天師萬化身。年年鐃鼓送瘟神。赤符走筆成奇字。惡日懸弧產異人。閒讀斷碑懷孝女。敬書香草祝靈均。臨風一掬同情淚。更託詩腸代寫真。

元旦

漢口屠蘇酒欲醺。(去歲元旦在漢口)春明隔歲又逢君。豪門賓客朝成市。密室笙歌夜入雲。爆竹萬家驚鼎沸。電燈五色奪星文。可憐舉國兵戈裏。墮在昇平未見聞。

紀夢戲題

頭巾紅護雪蟾蜍。華堂痴立未婚妻。偷教小妹探消息。果否郎真赴歐西。適拜慈親出門去。秋波瞥見神色悽。醒後心頭影猶在。老夫髮白眼昏迷。平生愛根不留

種。一笑何來夢蹉跎。

讀史

尼山何事作春秋。筆削空文祇贅疣。滿架書從深夜讀。數行淚爲古人流。英雄慷慨酬知己。義士從容報國仇。熱血滿腔無洒處。蒼茫燈下看吳鉤。

偶成

花滿春城酒滿卮。何人際此不尋思。拚圓好夢偏無影。欲寫愁懷賴有詩。白髮初生猶苦早。名山已到尙嫌遲。閒吟本爲抒情性。枉費推敲付與誰。

感時

誰將兵甲洗天河。北伐南征歲歲過。苛稅頻加年屢歉。良民已盡盜偏多。從軍婦女晨炊爨。入夜兒童夜荷戈。倘使神州眞赤化。一無階級更如何。

放懷

踏盡紅塵覓勝居。嘯歌天地是吾廬。別從世外邀明月。常向夢中讀異書。萬里雲山供笑傲。四時花鳥弄庭除。乾坤不及搖床大。伸足扶桑尙有餘。

放言

悠悠天地信無窮。誰辨么麼聚此中。蜂室稱王何貴賤。蟻巢作戰孰雌雄。不將爛
爛雙眸洗。焉得塵塵一皖空。造化太奇人太蠢。古來都是可憐蟲。

秋夜不寐四壁蛩聲傾聽既久忽然忘我感而有作

誰圖清吟夜到明。壞牆四壁有蟲聲。上床夢化蟲爲我。我在蟲中過一生。
偶然蟲與我同生。破屋相依若有情。夜半苦吟俱未歇。是蟲是我分不清。

重九菊花未開閉門獨酌感賦

閉門寂寂度重陽。雖不登高亦舉觴。懶到黃花猶未放。今年閒却好秋光。
芳心宛轉未開時。秋雨秋風不怨遲。默默簷茅屋下。忍飢獨自續陶詩。

齊震岩

見前寄

陪讌栢裏道尹席間有歌妓侑酒次元韻

快盞明簪帽影斜。紅妝羅列盡穠華。樽前魔舞風迴袖。天上仙音月貫槎。徑醉二
參猶酌斗。新聲十九更聽筳。津南高會年年約。旄節歡迎駐使車。

丙寅夏歷九月讞括襄於忠信堂疊去秋元韻並祝十月初六日弧慶

叢桂留人樹影斜。

去年八月留任十日

今年秋鞠又黃華。香分八座天廚菜。

堂中庖人、曾充御膳房是日主客八人

奇說重洋海客槎。

江省駐日俄二國領事、栢襄為交涉使事頗簡易、

雄辯高談陪杖履。

茫書劇談、栢襄戲謂大言炎炎、清歌

妙舞叶箏笳。

雙疊侑酒、栢襄可聽、

辭尊辭富時行樂。

栢襄自言

太息綏蘭鐵甲車。

大有

樓居遙接御樓斜。

栢在泉室、同在日和界、

小小陽春日月華。

是日也、天朗氣清、惠風和暢、

齊頌壽人兼壽世

。漫勞仙侶泛仙槎。壘簾和樂歌棠棣。槩載雍容競鼓笳。預約引年逾衛武。共箋

抑抑話戎車。

相期無負平生竊附願不忘規之意

照邊步韻戲贈栢襄祝壽

五馬新除墨敕斜。

以同知分發黑龍江省

廿年符竹養毛華。甘棠有愛方思樹。

由綏蘭縣而道尹、前後十餘年、循聲

卓著

黑海無波卻繫槎。

調黑河道尹、堅辭、改署交涉員、近任仕隱、

趙璧已聞更漢幟。

多倫已下直抵張家口

并州不復

奏胡笳。

省軍

折衝樽俎真餘事。

交涉隨強權而減、更覺無事可辦、

傳食何妨走傳車。

栢襄到京、謠會無虛日、自謂傳

食諸候、

回首觚稜閣道斜。春明餘夢憶東華。

余赴栢襄前後由內閣改外、

忽調駐節津南驛。又報添籌海上

棧。西域葡萄掛琥珀。西發燕客東山絃竹弄琴筩。雜劇仿酒陽春白雪羣仙醉。襄梧

鼠豪巨觥加酒長鯨以飲衆賓已謝不敏而意態灑然無酒更餘三杯遮莫流涎向麴車。

韓芟洲感懷一首

無術解春愁。烽烟滿戍樓。扶危憑健者。垂老識清流。謂震公事去家難保。年衰病未瘳。海天勞悵望。喪亂幾時休。

和芟洲元韻

萬古興銷愁。高吟醉市樓。雲山仍北向。河水自東流。醇酒家藏久。良醫國病瘳。芟公藏酒甚多樽尤精春風常入坐。不道客歸休。

再次元韻

萬斛滌閒愁。春風共倚樓。鶯花猶往歲。詩酒盡名流。憂國兵難去。安心病自瘳。待清居海畔。林下有眞休。

三次元韻

極目陣雲愁。軍聲撼百樓。時傳戈倒載。世慨楫中流。烽火連年動。瘡痍幾日瘳。

。升平由擾亂。亟欲問何休。

四次元韻

風雨客心愁。軍書到驛樓。長江失天塹。滄海更橫流。早伏陰陽沴。如何藥石瘳。
。斯文應未喪。良士自休休。

芟洲有函稱獎五次元韻奉答

一洗古今愁。瀟瀟雨入樓。小詩憑月旦。宏獎足風流。綠螳新酷熱。丹砂宿病瘳。
。賞花兼賞月。不必夜行休。

題芟洲宅六次元韻

忘世本無愁。還家尙有樓。山光排闥入。河水映門流。春暖魚知樂。雲鷺鶴喜瘳。
。柳陰三徑外。時有客車休。

芟洲和題宅一首次元韻

瓊筵召莫愁。春入數帆樓。予家有樓名數帆在院東南今廢先祖
饒三公喜飲聽歌暇日延賓頻宴於此花落等聲綴。宵長燭淚
流。豪華難再睹。老病歎遲瘳。幸免蝸廬毀。吟身藉此休。

奉答芟洲和題宅七次元韻

山河舉目異。何況數帆樓。喬木家聲在。清芬世澤流。琴書人自樂。詩酒癖難瘳。
曷若虛舟泛。聽其所止休。

記演紅線八次元韻

試破戰雲愁。凝妝下翠樓。隻身雙劍仗。千里一星流。天女似遊戲。將軍如病瘳。
昨宵看射戟。夢想甲兵休。

記演西施九次元韻

一舸載春愁。吳宮獨倚樓。廊猶傳屢響。溪尙帶香流。烏啄膽嘗盡。蛾眉蹙已瘳。
西湖比西子。歌舞幾時休。

記演洛神十次元韻

撫枕魏王愁。斜陽水照樓。麗人逢洛浦。神女戲清流。莫遣凌波去。從教積瘳瘳。
驚鴻留艷影。賦筆不能休。

西施戲文謂與范蠡同謀報仇前詩起聯未免唐突次聯亦屬寬泛另擬一首仍次元韻

報國鬱春愁。辭家入鳳樓。草看吳沼滿。花逐越溪流。心捧當年病。眉顰此日瘳。
五湖雙槳去。萬里一帆休。

丁卯三月二十三夜，梅蘭芳在天津明星大戲院，演紅線，西施，洛神，
三齣，聲容並茂，神乎技矣。

予奉侍 母親往看 慈顏喜悅，讚不容口，輒記以小詩，不計其工拙也，另
綴絕句一首，

梅郎做戲妙傳神。馬走爲詩愧寫真。此戲此詩那堪比。博君一笑向同人。
錄呈
正公同年

俚句敬呈震岩大公祖敬正

韓蔭楨未是草

百丈龍門記早攀。高軒何幸過柴關。愧無閑舍容騶從。聊藉蕪箋備往還。雲嬾未
曾輕出岫。泉清亦可暫離山。東南民力凋殘甚。料得匡時策已嫻。

芟洲先生贈詩次韻奉答希正

憶昔迴車父老攀。焚香夾道動江關。豈因仰視蜚鴻去。差幸知隨倦鳥還。千里橫

流奈滄海。一庵高臥即青山。當年辜負蒼生望。已媿匡時策未嫻。

再次前韻呈教

仰止高人不可攀。門依綠水晝常關。傍花隨柳緣佳勝。弄月吟風自往還。目笑鵝鴻爭得路。心盟猿鶴早歸山。瓣香敬爲冬青館。我媿哦詩老未嫻。

芟洲官內閣中書辛亥歸津隱居河畔花園著有冬青館詩集

英春岩

名起鏞
黃浦人寄

感懷

自關乾坤有帝王。沿流革改代興亡。河山雖異殊風景。鳥雀依然首鳳凰。揖讓征誅幾世界。君臣父子總綱常。共和觴濫周衰後。會見諸侯始下堂。

首事何人倡共和。中原由此碎山河。征車輸馬民財竭。治旅增師武力多。天下與人寧勿戰。國家屬己反操戈。自聞四萬同胞語。賺得蒼生出樂窩。

喚醒盧生夢裏迷。王侯富貴豈人爲。無端大樹南修怨。誰着汾陽北挂旗。休恃金剛常怒目。須防菩薩不低眉。看他彼此循環事。自命英雄要退思。

王心齋見前寄

書懷

天時人事過匆匆。悟徹禪機一字空。處世有方惟潔已。居心防過勝貪功。芸籤塵架貧猶富。利顯脫囊志未窮。莫歎人情工冷煖。原來斯習古今同。

人生不必枉求功。二字箴規是執中。下乘恣行踈殆徧。上方難覓氣徒雄。騷人有淚哭焦土。志士無聊唱大風。窮達由來皆有命。何須搔首問天公。

聞芷青兄足疾有感

君齡將近古稀年。務要起居防未然。常願朝雲侍坡老。更欣賞子早生蓮。

孤芳自賞已多年。正直亭亭性莫遷。不染淤泥真可愛。花中君子獨推蓮。以蓮兄君自况

偶成

閨偏羣芳又菊秋。無邊感觸上心頭。崢嶸氣象如花發。寶貴光陰似水流。自信吟詩堪動興。誰知讀易可忘憂。盡來人事聽天命。隨遇而安莫妄求。

素願未償心莫灰。壺中有酒且銜杯。餐英亦可思芳菊。解渴無徒望艷梅。在我休
虛拋日月。因朋獲益箴風雷。古人欲得常常見。不厭經書讀百回。

潮流促起不平波。且莫徒傷歲月跎。誰號騷人如屈子。獨知國士若蕭何。素心那
信丹心少。青眼相遭白眼多。世態炎涼無足問。乘時學作楚狂歌。

雖是山川鍾毓靈。當知富貴屬朝廷。雲排寶殿千層碧。水接天光一色青。到眼明
湖觀石碣。經心慧眼誌同亭。紫微垣省今猶在。何不北辰拱衆星。

和常恬囊見贈

交人真有古人風。涉世持身道守中。春樹天天懷渭北。暮雲日日望江東。生權繼
統爲孫子。佐武興周賴姬公。帝與九齡從夢得。知能化俗是文翁。

咏梅

寒梅忽見著花新。應有簷前索笑人。廿四番風花信遞。向陽先占一枝春。

水仙

昔年立廟在錢塘。今日花神暗送香。清節仍如林處士。吟詩爭愛水仙王。

讀新民四先生傳有感

先生傳略出新民。洵爲今時四古人。懿行嘉言堪景仰。務期後學步前塵。

讀芷青兄戲題樊慶餘納寵詩口占寄贈

他人納寵戲題詩。繪影言情信若斯。苟不親身歷斯境。此中況味有誰知。
扁舟西子得傳聞。未見紅顏果不羣。遇此妙齡堪羨煞。佳期何若問樊君。
談心信口自開河。振筆直書寄我哥。語摯情真原不易。高明以爲是如何。

車中憶釣台遊二首

往事重提屬舊遊。相逢一日若三秋。同行益者今三友。昔在釣魚台上遊。

記得釣台結伴遊。四人共賞菊花秋。二王今日少王二。三友題詩在上頭。

常括襄誕辰七律一首

光芒一點極星懸。壽域宏開肇萬年。濟困盡傾舟五百。論交常慕客三千。庭中玉樹傳家慶。海上蟠桃助綺筵。矯健不須鳩作杖。如公真個地行仙。

賞月

不必廣寒宮裏尋。嫦娥或趁月光臨。仰觀應盡如人意。崇拜更求獲我心。皎潔有情皆愛色。清高自古到於今。何時得假吳剛斧。丹桂伐來懷好音。

感懷

既非遊子在天涯。亦莫中秋作客嗟。身世隨時能守職。人生何處不爲家。狂蜂個個尋新蕊。浪蝶雙雙戀艷花。詎可情多如物少。良宵快賞月光華。

戲題六言

覆信約剛半月。計時又過中秋。遙知必有佳作。與人暢叙情幽。惟期千里相寄。好爲唱和詩籌。近題七律四章。敬呈吟壇凝眸。本是拋磚引玉。並非桃李贈投。萬勿如金惜墨。未嘗格外請求。兄如當日東坡。弟似今時子由。惜彼夢中彩筆。爲傳兩處歌謳。可以如斯而已。無須信口胡謔。

自誌七絕二首

源之遠者自流長。家學淵源得姓王。字法右軍詩摩詰。從來門第本書香。

雖非好學如顏子。我亦心齋慕坐忘。欲去本無還固有。用之則行舍則藏。

自咏

誰道梅妻事已無。應將和靖認前夫。美人乘月來林下。修到幾生纔見吾。

楊蔭召

名樹案
河南人

和羅君福晉三十初度感懷四律

有限浮生無限年。況當南北亂烽煙。爭權爭利才皆陋。學啞學痴智乃圓。修佛須教捐罔念。清腸何必飲廉泉。茫茫世宙誰知我。茅屋三間數椽椽。

休嗟歲月漫蹉跎。試問浮生能幾何。一派嬾興一派死。幾人修築幾人磨。曾今賢哲逢時少。自古奸胥竊政多。來日方長還淨土。且須把酒壓愁魔。

靜養頑軀百不侵。高山流水喜登臨。名揚敢詭乾坤小。時晦休誇智勇深。莫怒江豚吹浪起。且呼漁父挽舟沉。歷觀前代興亡史。振古如斯不自今。

大海滔滔日向東。浪花淘盡幾英雄。將軍徽號封難盡。司令名銜出不窮。偏我無才悲伏驥。笑他有志也飛虫。生平未慣騷人事。仗劍前征在我躬。

李香齋

名友蘭
法庫人

道尹解職留別紀念

洮昌承乏已三年。巡視才疏愧昔賢。民困未蘇資養息。商艱莫恤苦顛連。蒙旗生計籌無策。荒陌經營墾沒全。竊幸戰公新令尹。行看懋績著旬宣。

常恬襄

前見寄

遊釣魚台

釣魚台畔慕高風。光武旌旗在眼中。汽笛一聲驚遠近。扁舟兩葉任西東。蓴羹魚鱸思張翰。兕爵羔羊憶魯公。自古帝王能折節。鷹揚奏績一漁翁。

信宿密雲夢吳興權口占

知公磊落慕公仁。逆旅相逢較倍親。故國河山懷往事。邊城煙柳話新春。鴻門劍

履英雄氣。宦海浮沉老大身。我亦執鞭存夙願。與君共作挽瀾人。

王冠衫

名思士
識微人寄

興城縣署作

柳城景色耐尋詩。猶是泉林自適時。莫道居官清興減。板橋風味可爲師。

不是山人酷愛詩。此生行樂幾多時。眼前花好頻開謝。嶺上長存傲雪枝。

(注)末二句蓋重歎夫世上爭名奪利之徒。看似榮華。然時興時落。從無長久。只有好德樂道之人。永遠存在。猶之嶺梅之傲雪枝也。

丙寅年重九日。余循俗習前往首山作登高之舉。一望南臨大海。北帶崇巒。絕壁危峯。上凌雲漢。微茫冷韻。風景怡神。則鄙棄功名之念又復生矣。爰口占數章寄博

一粲倘承

錫和尤所歡迎

重九日登首山

冷韻全無塵俗紛。山林隨分志偏殷。此身渾忘爲知縣。來伴危峰住白雲。
獨坐危巖靜入禪。高峰聳立吐雲煙。偏多名士貪山水。今古由來一例然。
遠上庵邊一徑幽。烟莎冷韻送殘秋。詩情處處堪描寫。到此全消客夢愁。
澗裏殘秋草色暄。由來名士樂田園。遙看百里渾無事。詩酒何曾累土元。

記取心禪世外參。烟波淡蕩對雲嵐。從來宦路詩人苦。一到泉林倍覺貪。

袁潔珊

名金鑑
遼陽人寄

贈蘇聯謝會辦回國

鎮日周旋費討論。維新東路冀安存。根深誰撼南山案。味隳頻傾北海樽。大指不殊惟據理。兩心相喻欲無言。春風桃李花時節。仍盼星輶到哈門。

贈蘇聯寶會辦

往績高加索。今時哈爾濱。與君相晤日。同慨作勞人。真氣應常接。前途未了因。匆匆旋判袂。縞紵誼如新。

贈蘇聯達理事前東路會辦

與君相處久。彈指過三年。深識孰能喻。苦衷應互憐。飲醇交日篤。聯席語忘詮。良晤知多少。無爲悵別筵。

蘇聯嘉監事索詩贈之

與君初邂逅。殊覺異恆人。迨與周旋久。彌欽臭味真。酒腸無量大。喜氣滿懷春。

。滌我煩襟苦。欣然握手頻。

美術家羅斯闢夫斯基爲余繪像詩以謝之

雅擅寫生技。傳神阿堵中。像憑摹畢肖。影較撮尤工。美術誇吾子。偉儀愧藐躬。
。高情奚以荅。短什付詩筒。

辭職邀准喜作

濱江重回首。裘葛幾頻更。守拙安吾分。投艱畏世情。心空萬趣足。肩卸一身輕。
。去去詠歸樂。春田看耜耕。

贈陳監事長飛青并簡亮伯

自我來東路。相逢喜二陳。長公能獨到。季子異恆人。關節簿書重。盤飧烟火新。
。胸懷應日闊。氣象總如春。

贈馬盡卿

與子周旋久。論交如飲醇。遯園風物美。一醉一回新。到眼嗤凡品。抗心有古人。
。我來應下榻。投轄此陳遵。

贈陳止中

悒悒誰與語。猶欣德不孤。深衷偏我疼。真氣本吾徒。世路慨荊棘。醇交比瑾瑜。
乾坤豈終晦。珍重邁前途。

贈王生作錦

名士多於鱗。美材應自珍。惟余知未早。愛爾氣猶真。寂寂酒詩興。競競德業身。
聰明勿貽誤。學道戒因循。

到東路三年七閱月得詩四百餘首茲檢關於臨去諸作謄印之以存紀念

孟時軒

見前寄

家居門房書壁

大門旁。間半房。紙糊窗。泥抹牆。來從遊者人三兩。縱觀禹貢九州賦。朗誦幽
風七月章。小人用壯君子罔。祇求個無譽無咎。不管他李短張長。

在山裏時。朝登臥虎山南。暮至臥虎山北。有一峯特出地名爲大孤山。遂宿
其下。旅店中有感。

臥虎山。臥牛山。山前山後盡是山。一峯突兀插雲間。山中又有大孤山。

悼亡五古一首

皎皎玳瑁梁。一對老鴛鴦。宜上復宜下。和鳴聲鏘鏘。風狂香草折。雌死雄悲傷。寥寥春不暖。寂寂夜何長。回思生聚日。黃梁夢一場。

有感

終日離羣而索居。俗塵三斗滿衣裾。數年學得稽康嬾。多少良朋未寄書。

趙紹文

名世昌
新民人寄

讀莊子逍遙遊篇

鵬飛高遠又誰儔。第是乘風御氣不。修到至人無已候。寸心天地古今遊。

讀莊子齊物論

往來逆旅古今人。同一勞勞過客身。抵死不知曾蝶夢。是非彼此總無因。是是非非本可平。啾啾物論破空生。百年瞬息同歸夢。多事祇緣道未明。

讀莊子

蒙莊宜恁說荒唐。直以荒唐析道芒。鐵鑄言言昭日月。性天從此見明光。

讀莊子

儔類紛紜縱不侔。寄生天地等蜉蝣。何須世俗垂青眼。未老年齡已白頭。富貴功名皆幻事。身心性命乃真修。時人欲醒塵寰夢。快取南華讀一週。

因諸生晨起盥洗俱用洋胰口占

方寸本無半點污。光明氣象自爲符。從來未洗洋香皂。本色何嘗少變吾。

花前即事

好花可愛俗猶知。乍放偏能動我思。只恐英華容易謝。願他常在半開時。

賞菊

一年紅紫萬千儔。歷歷看花又九秋。早發英華還早謝。爭如老圃晚香留。

偶成

那管春來與歲除。課生得暇祇看書。知音好友時常至。恕我年年答拜虛。

觀書有感

案上常披卷一編。千秋人物任招延。愛他都是知音客。與我談心每忘年。

暮春曉起

千金一刻是三春。瞬息眠成夜響晨。好鳥似嗔予宴起。夢醒猶聽喚頻頻。

月夜書懷

開軒對坐一輪清。默向長空訂誓盟。人事儘教他曖昧。我心須似若光明。前身即是休疑幻。後影居然又寫生。大道散殊誰悟妙。萬州印處愜予情。

劉升三

名世儒奉天黑山人寄

詠本溪湖

山根湖水劇淵深。散步閒遊爽氣侵。到此自能消夏熱。令人滌却利名心。

俞國賓

名彥彬江蘇人寄

柬贈孟時軒孝廉

集唐句

吾愛孟夫子。(李白)深居作隱淪。(祖詠)世家遺舊史。(杜甫)仲子訝風神。(唐玄宗)舊識窗前桂。(劉長卿)由來席上珍。(杜甫)以閒爲自在。(劉禹錫)白髮帶愁

新。(張說)

送徐大豐飛之日京明治大學

送客秋風裏。天涯若比鄰。(王季安句) 他鄉方白袷。遠學及青春。北溟鯤鵬化。東邦麟鳳振。豐飛知有日。記取一汪倫。

送徐子希唐之哈爾濱

莽莽神州盪不平。英雄慷慨拯蒼生。狂瀾既倒誰同挽。故國將亡我獨驚。自有熱心供社會。惟餘白眼到公卿。天涯送客秋風急。珍重前途慎此行。

今日胸中皆壘塊。昔年豪氣自凌雲。羞隨老輩談經史。怕向新流說典墳。樽俎折衝惟退讓。風潮激盪詎堪聞。腐儒不敢言時事。共道無君勝有君。

冬日雜感

大陸欲沈感慨新。茫茫浩劫一遺民。好將本色對同輩。賸有虛心到古人。報國未能酬素志。避秦無計絕紅塵。空餘一掬英雄淚。哭罷蒼生哭此身。

大漠奔馳恨轉加。飄零四海已無家。東南西北皆烽火。春夏秋冬不草花。泣食悲

歌伍相國。上書痛哭買長沙。半生身世餘憂患。跡似飄萍身似麻。

又意有未盡再賦兩章仍用前韻

世態風雲變幻新。自由幸福歎平民。家貧愧作遠遊子。命薄偏爲亂世人。肯把鼠肝悲宇宙。忍教駿骨困風塵。挽回自顧無長策。雪夜狂吟腹此身。

酒爲澆愁量更加。故園回首已無家。飄零身世風前柳。冷淡性情雪後花。萬里山河成破甑。半生事業託寒沙。詩成積憤猶難盡。百感叢生似亂麻。

四十自壽 甲子三月二十三日作

卅年大夢醒邯鄲。舊事荒唐付笑嫻。詎有名花能結果。從無宦海不翻瀾。人情更覺秋雲厚。世路應歌蜀道難。對鏡自憐雙鬢改。客中生日勉加餐。

四十晉二自壽 丙寅三月二十三日

駒隙光陰卅二春。天涯淪落賸孤身。有才不露免招忌。薄命難期再省親。酒果難陳妻祝壽。鷄豚未備我甘貧。鄧攸無子應無累。濁世誰知俞國賓。

繆東麟

名潤綬
涪陽人 見寄

痼疾經協和醫院治愈欣快，因作小詩六首，錄呈。吟壇。郵政

傳後無書惜華陀。漫言醫緩復醫和。頑軀險被因循誤。枉費工夫講按摩。按摩二十四次

王道由來致太平。就中消息要分明。救民水火懷湯武。戡亂何嘗不用兵。

茫茫何處問迷津。舊轍難尋取徑新。欲度石梁須放步。識途先有過來人。謂老友楊芷青

良言婉勸衆僉同。愛我人多苦效忠。家族故舊環來勸阻敢擬淮陰軍背水。權衡早定寸心

中。

七年病已入膏肓。鍼灸無功藥徧嘗。剖割術神誰識得。岐黃書外有奇方。按痼症偏墜方服藥

，及鍼灸均無效，

技擅青囊妙莫言。灌輸歐化入中原。耄期不碍施功險。也算新開一紀元。醫院於壬午年

十上者例不開割，緩年八十二，以特診，得邀施術，蓋創舉也，

沈思達名師達江蘇人寄

念載相違，故都重晤，今昔增感，欣慰奚如，敬步元韻，並奉舊作，統候

芷青學長郢政

二十餘年筵纔開。居然舊雨又重來。故都同作逍遙客。對酒猜拳不計杯。
照眼榴花灼灼開。老人健步似飛來。當頭猶是當年月。不減精神且盡杯。
爲政從新舊卷開。野人待聘策鳩來。江流汜濫因風轉。先把松醪酌滿杯。
梓鄉殘局已重開。得利漁翁踏屐來。莫問家園歸也未。慰君還是一傾杯。
和韻秋景

老樹經風撼不斜。秋霜夜夜滿林加。推窗乍見黃花好。更念天寒到萬家。
日吐青峯月已斜。排空危岫幾重加。滿天晨霧隨風起。深鎖江村千萬家。

和韻感懷

心靜覺日悠。新潮未入流。粥粥鼓簧舌。纍纍爛羊頭。十年不樹木。愧對三山綠。
。萬葉怕秋霜。狂風誰睜目。四民號飢寒。迷津失指南。安得洗心術。普施換骨
丹。莫嗟龍蛇走。且飲東籬酒。醉眼觀太虛。白雲變蒼狗。

癸酉黃災詠以記事

黃河之水天上來。挾沙走石喧如雷。嘯達素峯源陡湧。八千餘里浪作堆。入豫入魯尋故道。奪淮奪運溢成災。出槽四向分流瀉。拍岸驚濤萬戶哀。溜旋古柳如拉朽。魚逐波盪百尺臺。登高呼救聲埋浪。老幼繩繫倒懸孩。滔滔一望靡涯際。噴花捲地似飛埃。可憐葬沒盈千萬。萬物逝兮不復回。胡爲浩劫如斯酷。既倒在爛孰胚胎。須知天心本仁愛。人慾橫流演劫灰。前者已矣後者鑒。思量思量毋徘徊。能悔豈待伙霜降。挽得綱常古道恢。

甲戌四五初度自嘲

余年卅五春。卅載走風塵。跋涉數萬里。一技無足珍。幼時食甘旨。庇蔭有所恃。長又倚少年。昏昏靡知止。迨經世運遷。甫覺失機先。昨非悟今是。疏髯曠華顛。恍然將半百。曾作膏粱客。衆孫戲牽衣。使我牛馬役。

卷三 自詠諸作

閱報見某某遇害有感三首

一間之間殺父兄。好還天道最持平。千能百巧難逃數。亞聖名言有定評。
巧計陰謀枉自爲。上天有眼暗中窺。循環報應何曾爽。及早奸雄夢破痴。
延吉逆凶如卜筮。奸人終有到頭時。口誅筆伐存輿論。往古來今讓過誰。

和周孝魯端節詩

漫云續命五絲綸。端節佳釀到八珍。蒲酒樽傾賓共醉。榴花艷闌色添新。奪標爭
競乘舟楫。觀妓歡迎侍櫛巾。堪笑鄉愚投角黍。汨羅江畔弔騷人。

答王心齋寒梅水仙詩見寄

寒梅那見着花新。大雪漫天冷煞人。縱有襄陽尋踏興。前村難覓一枝春。
常年廟貌塑錢塘。和靖爲緣送晚香。性質固然稱至弱。亦能耐久傲東皇。
宴集天益亭日本通譯中里先生命聯句

中里先生命賦詩。一時那有好文詞。勸君只合傾樽飲。賓主交歡意在茲。

宴集嘉賓快樂時。何須侑酒有歌姬。日中親善多歡洽。天益亨通共祝之。

贈周孝魯五十初度

逝水光陰五十年。半生精力苦熬煎。蜚聲鄂北膠庠列。留學瀛東法政編。歐美大家研哲理。濂溪宗派紹前賢。更爲師士稱明允。不讓皋陶獨占先。

憶參陸辦公時事有感

彈指光陰已二年。辦公何處復歡然。即今西憶瀛台外。依舊花開萬朶蓮。辦公參陸想當年。時事蒼茫幾變遷。富貴浮雲都幻境。海中獨自現青蓮。

重九與連悅卿同遊天壇迤東法藏寺寶塔

巍然寶塔峙郊壇。壯得東南半壁觀。匝地萬家環日下。擎天孤頂插雲端。入從盤道初猶暗。步到凌虛始覺寒。愧乏茱萸新釀酒。與君同飲復同看。

初到省城遊萬泉河

二十年來瀟水遊。城中一帶建洋樓。萬泉河畔饒楊柳。多少花船泊岸頭。時當三月聞吹簫有感

絲竹不如歌妓肉。孟嘉趣語答將軍。重陽落帽雖嘲笑。磊落胸襟自不羣。
韶濩咸英各樂章。陽春白雪與霓裳。古人多少昇平奏。卽此歌衫舞袖場。

答王心齋登樓見寄

升沉不必問君平。且上高樓散步行。萬里扶搖鵬志遠。無勞歸去賦閒情。

答王心齋感懷見寄

廿年遊宦走紅塵。落拓京曹耐苦辛。計日升沉非夙志。隨時俯仰此閒身。不求聞
達爭今世。且對琴書晤古人。夢想唐虞天下定。與君共頌帝王真。

聞大舞劇園鑼鼓打通戲題

舞台鑼鼓鬧喧喧。粉墨登場爲賺錢。世界大千都是戲。憂愁煩惱枉徒然。

見瓜田插籬護風偶成

秫稽籬插護瓜田。爲怕風來苗動牽。勞力農夫心亦細。灌園種菜隱高賢。
晨起見拾糞老農有感

路遇老翁八十三。晨興拾糞說天天。從孫七個孫成四。數世爲農苦種田。

和周孝魯秋夜

禿頭短髮鬢斑然。勤學猶如少小年。夜靜讀書三昧裏。晨興巡卡四街前。每屆秋多處時常晨起抽夜

携兒購物乘遊興。兒五歲時同乘車赴站必購些食物而返伴友尋花傍晚天。有友與至間偕之微歌聽曲即此桃

源梨樹下。及時行樂在人間。

答王心齋鐵路辦公處移津見寄

雖處通衢少送迎。多年舊雨最關情。雪泥鴻爪曾何定。又報喬遷第一聲。心齋評通首一

氣呵成情真語發意筆隨

滄海桑田感變遷。京華晤語憶從前。巴山夜雨西窗話。只好他時結後緣。心齋評一往情

深溢於言表

偕王心齋常恬囊乘京津專車赴津有感并年前遊釣魚台事

釣台昔日憶同遊。風雨瀟瀟近九秋。二十年來渾若夢。又將往事述從頭。原作說字恬襄

改爲述字亦一字之師也

送王冠彩赴興城知縣任

一行作宰赴興城。由此鵬飛萬里程。志在親民原夙願。不教俗吏悞生平。
長吏由來百里稱。循良無不憶如冰。風流詩客長才展。考績三年列上乘。

感時

羣雄擾攘尙紛爭。何日神州覩大平。馬上得之馬上治。恐終攻守悞同盟。

次王冠彩重九登高元韻

原作見前

戎馬倉皇世事紛。登高重九興猶殷。龍山落帽雖嘲笑。尙愛將軍氣薄雲。
猶羨山僧入定禪。盪胸絕頂薄雲煙。昇仙自是仙人事。漫謂虛無未必然。
馬道盤旋曲徑幽。風飄落葉近深秋。寄情籬菊陶元亮。不及登臨散客愁。
高步懸崖日正暄。居然遠曠豁林園。休誇坐嘯孫登隱。不念黎民贊化元。
別有心機化外秦。一朝登覽上風嵐。宦遊仍有詩人趣。坐對林泉酷愛貪。

陸軍中將馬公藤溪兄七序大慶

簪纓世胄著旂常。劍槊英風有烈光。絕域候封班定遠。滿床笏疊郭汾陽。輕裘緩
帶饒丰度。羽扇綸巾坐戰場。墨鏢多姿人豔羨。南山共祝快稱觴。

文韜武略兩優長。一世功名表劇揚。雪地冰天行野塞。槍林砲雨立疆場。形同燕
頰侯王相。績奏鷹揚姓字香。南極星輝三界外。詩賡眉介詠佳章。

詠鴨綠江

鴨江一望勢汪洋。廿里長隄作堵牆。來往風檣行似馬。浮鷗宛在水中央。

送王心齋出京赴奉

秋曹十稔懷無私。折獄惟良只自知。召杜循聲將遠播。申韓家學得師資。同心氣
味由來久。遣愛棠陰去後思。計日征驪歌載道。遼山遼水幾追隨。

詠文老人

抑戒陳詩衛武公。傳書伏勝九旬翁。老當益壯人稱羨。四皓爭言輔漢功。

詠武老人

嬰鑠哉翁馬伏波。雄餐益壯屬廉頗。英雄自古不言老。尙父鷹揚八秩多。

KBC

G

222. 73